

Na podawki bohate lěto 2019

Statnik: Domowina je Serbski sejm do swojeje džěławosće zapřijała

Budyšin (SN/at). Z hłownej zhromadźizny Domowiny a mjezynarodnym folklornym festiwalom Łužica w Chrósćicach, wólbami komunalnych parlamentow a krajneho sejma kaž tež z wotewrjenjom serwisowego běrowa za serbsku rěč we Wojerecach bě 2019 za Serbow w Sakskej na podawki bohate lěto.

Příklad serwisowego běrowa je předsyže Domowiny Dawidej Statnikej wuraz toho, zo kraj kaž tež wokrjesaj Budyšin a Zhorjelc serbske zajimy podpěruja, mjenje to „widzomny wuslědk narodnjeje politiki Domowiny a serbskeje rady“, kaž wón w rozmołwje z našim wječornikom podšmórny.

Po lětušich wólbach Sakskeho krajneho sejma přislušataj jemu jenož hišće dwaj Serbaj, Alojs Mikławšk a Marko Šiman (wobaj CDU). Druhe etablěrowane strony njejsu za trěbne měli Serbow na tajkich městnach kandidować dać, zo do parlamenta začahnu. Lěwica je so ze 60. městnom Hajka Kozela na krajnej

lisćinje wohaňbila. Domowinje je tele položenje „skerje wužadnje, z krajnym sejmom zaměrišo komunikować“. Statnik pokaza na Krajny sejm Braniborskeje, hdžež su na te wašnje tež bjez serbskeho zapósłanca mnoho zeskutkowili.

Dawid Statnik ma „njewšědnje wobšěrne naspomnjenje serbskich zajimow w koaliciskim zrěčenju za dobry zakład za cytu wólbnu periodu“. Zwonka Domowiny su so serbskej džěłowej kruhaj SPD a Zelenych kaž tež Serbski sejm za to zasadźili, zo jewja so serbsčina jako připóznata druha cuza rěč abo zaručenje prawow soburěčenja, sobuwuhotowanja a samopostajowanja serbskeho ludu w koaliciskim zrěčenju.

W Budyskim wokrjesnym sejmiku maja CDU z Dawidom Statnikom, Lěwica z Hajkom Kozelom a Serbske wolerске zjednoćenstwo z Janom Budarjom w frakciji Swobodnych wolerjow serbskeho radźičela. Wokrjesny džěłowy kruh za serbske naležnosće njeje we wo-

bluku skonstituowanja sejmika trěbne zwyżenje statusa – jako Serbski wuběrk podobnje tomu we wokrjesu Sprjewja-Nysa – nazhonił. Čłon džěłowego kruha a předsyda Serbskeho ewangelskeho towarstwa Mato Krygař ma Serbski wuběrk dale za nuznje trěbny. Tež, zo bychu frakcije džěto gremija chutnje brali a so njezajima dla dlěje njewobdžělili. Tu čahnu tři serbscy wokrjesni radźičeljo za samsny postonk za Serbski wuběrk.

Nastupajo dialog mjez Domowinu a Serbskim sejmom, k čemuž bě z hłowneje zhromadźizny nastork wušoł, zwěsći Dawid Statnik postup: „Serbski sejm smy z wjacorymi zjawnymi naprašowanjami a nominacijemi do džěławosće Domowiny zapřijeli.“ Tak kandidowaše sejmar Alexander Pólk za nowu serbsku radu. W Serbskim sejmje wuwicje cyle tak pozitiwnje njeposudžeja: „Bohužel njejsu rozmołwy z Domowinu hišće tu kwalitu docpěli, kotruž sej předstajamy“, rjekny Měrćin Krawc.